

蘧齋詩話卷之一

天虛我生著

孫次青與余神交有年嘗選斷句入栩園詩話茲來函乞余序詩藁
自述梗概云孫奇字次青徽州黟縣人父殿宣公別署蝶仙老人名
孝廉設帳授徒數十年如一日文名藉甚著有桂馨庭文藁奇因家
貧親老十四齡入商界性喜吟哦苦無師授弱冠放浪不羈徵逐花
叢千金手散市井中自爲狂士喜綺語作有香奩詩百餘首名蝶夢
集繼因益友規勸再三付之一炬三十後椿萱相繼逝妻兒又下世
子身往外貧賤論交衣食犇走岌岌乎無以存活於車塵馬跡間窮
愁無以自遣計數年間得詩數百首隨作隨刪可存者甚屬寥寥今
者老之將至膝下猶虛得免飢寒悠然自足世俗富貴功名之念久
若槁木死灰別署曰世十餘人他日買山有資築一草廬於黃山白

嶽間酒蓋詩瓢以了斯世則予願畢云觀此可以見次青之生平矣
其所爲詩多閱歷之語如浮厲彭城感懷云我因落魄通名怯友怕
通財見面遲貧趨勢路高千丈儉到空囊重一錢寒夜敝裘歸貴庫
良辰斷酒在他鄉眼底難謀新債主頭銜自署老閒人酒圖快意衣
甘典琴失知音調不高又寒夜寄弟云循分無憂端讓弟佯任多難
可憐兄不屑乞憐偏境厄難逃物議遇時艱春日偶成絕句云地偏
始覺春來緩庭樹依然未着花憐他野草叢生處也放閒花一兩枝
鶯鶯當謔姬花當妾春來強我不思家秋色云紅葉一肩樵上担黃花
兩鬢女兒秋吳城書感云風波休說鄱湖險猶比人情穩幾多對面
親朋渾不識照來鬚髮自相疑檢點案頭無別物絕交堆滿故人書
山村卽目云曲徑引來人入勝矮牆無礙客窺堂九日登滕土閣云

千秋磨滅文猶在百戰河山閣尙完
厲齋夜坐有感云四壁淒涼新
寡女一燈花月舊游仙百年如寄誰非暫
一榻能安便是家將歸寄
內子云自憐不是封侯壻勸莫凝粧望陌頭
汪逸仙郵問近况以詩
柬云典盡寒衣猶痛飲頭銜新拜醉鄉侯
夢中得句披衣寫生恐朝
來記不清殘衫破帽清閒客慚愧花叢舊
姓名春日排悶云未死形骸終有累除吟
煩惱久無詩落花云失色斷難歸上苑置
身何苦最高枝生逢絕色多難老死有餘
香亦足誇秋夜書懷云驚風木葉干
林秃失路人才一色低蓋世聰明休自用
保身經濟是無情養生我欲隣中散舉世
誰能殺夜郎山居閒趣絕句云老屋書聲
人不到一雙瓦雀撲檐飛拋殘畫紙知多
少三日堆齋惜字爐一綫飛絨吹不住
笑看雛女鬧成堆隨意人前爭勝負無聊
一局弟兄棋今宵下酒

疏肴盡笑喚山妻取漢書丁酉春感事云自憐老大蓬頭婦還向人
間學畫眉此生若被詩書悞來世應求不識丁和金石臣報罷歸來
云蓋世文章難奪命科名限盡古今才可憐一管驚天筆嚇倒朱衣
不點頭悼內云一肩憂患擔偏重兩字平安寫不成瘦到梅花惟有
骨弱如蒲柳況逢秋交謫無聲鴻案孟食貧有味鹿車桓藥難奪命
終須治囊縱無錢忍不歸牛衣涕淚痕猶濕鴛枕淒涼夢亦空傾盡
相思多少淚可能一滴到泉臺百年歲月同歸盡地下團圓料有期
如果情緣真不盡今生已矣望來生咏荷花云身在淤泥偏自潔看
來人愧此花多是皆先生窮而後工之句

丹徒戴子開觀察啓文自號壺園好作詩積橐甚富雁來山館曾錄
一二其哲嗣鶴庵振聲今年才二十六所屬詩具有精蘊嶺南丁文

滌惠馨觀察與余同居嘗錄示其佳句如題何仙伯漢皋香佩圖云
紅牋密注鴛鴦牒綠酒翻污蛺蝶裙檢點舊盟雙指約描摹新樣十
眉圖雪中用東坡韵云坡筍肥穿三兩節山茶瘦勒一分花富春江
上云樹斷濕雲先見塔江橫宿霧不知城江舟記事云解語愛教鷓
鴒咒催妝怕誦鷓鴣詩杯映雙顰潮上熱衣涼半臂月沈遲秋燕云
此去關河迎雁字再來門巷認烏衣天王寺云崩藤倒絡題詩石靈
藥叢埋說法臺次胡喝尸韵云故園愧我荒三徑春水千卿縵一池
食邑醉侯酒泉乞生涯寒士硯田租要惟事業能千古豈爲功名博
一官秋閨思婦詞云萬里長風吹月出照郎飲馬度長城與樸園夜
話云弟兄羈旅看秋月親友凋零感曙星對我酒邊一明月照人琴
上幾疎星篷窗舊句寒山寺茶灶殘經由水亭皆工穩也又集西廂

詞黏合無痕具見巧思今錄其尤袖梢搵不住啼痕雨打梨花深閉
門若共小生厮覷定教人顛倒惡心煩夢裏成雙覺後單好叫左右
爲人難不酸不醋風魔漢惡語傷人六月寒不是一家喬坐衙河中
開府相公家他今背立湖山下你看淡雲籠月華機變如何妾脫空
嬌鸞雛鳳失雌雄巫山遠隔如天樣也有高唐來夢中常言女大不
中留萬種情緣一樣愁倒鳳顛鸞百事有既然漏泄怎干休若說絲
鞭仕女圖是君前者護身符愁來猶記題詩處及至相逢一句無
歎縣許際唐太史承堯字霽塘號疑龕學問淵博淹貫中西痛中國
否寒晦育亟圖補救乃著書立說創辦學堂以樂育人才爲已任安
徽士民聯名上書請設民選議院舉太史爲代表其望重可知詩魄
力沈雄學有根柢胡蘊山錄示其廬樓雜詩云曾公昔駐節艱瘁憑

孤城形勢扼消長功名出死生龍蛇嗟起陸蠻觸太紛爭不鑱山頭
石多應愧勒銘又枕上聞灘聲起寒甚立船唇得詩云天寒地氣藏
日出烟在水霜痕皚微雪衆葉光泚泚篙師起弄篙觸凍僵手指叢
葦拂篷過寒鷹忽驚起我興襲重裘波水漱牙齒拭目縱清眺舫滑
屢移趾居人念行役曉夢應千里寄汪蔭森云我昔羈塵冗君先快
壯游魚龍侍吟楫雲水盼江樓苔蘚神妃碣芙蓉帝子洲幽探曾有
約蠟屐待君謀磊落二三子論交皆素心閒官能挂笏貴介艷題襟
傾倒客遊樂酣嬉酒味深聞聲寄相慕聯袂好招尋小人求近市此
意愧朋知名刺藏三載人情歎九疑枯魚過河泣泉水出山非竟作
傭書客連朝腕力疲又蠹從書底活雞語甕中天大笑冠纓絕深憂
衽席連贈南山云謳歌消日月談笑起風雲熱血向誰灑微軀何足

云又陷阱卽伏足厝火將削身噉鴻不遺類危燕尙嬉春轉瞬大難
日誰爲魁偉人丈夫有雄淚輕易不沾巾寄內子云椒酒傾孤憤華
燈照獨眠千絲愁緒碎一枕夢魂牽又一饘吾可飽萬事不因人太
濁羞言貴無飢未是貧怕談天下事堂上有衰親始計亦云失吾懷
方永憂承蜩丈人技得馬塞翁愁年歲石中火功名水上漚又小臣
無祖蔭何以有今年返哺口中食嚴寒身上棉客中聞爆竹鄉思入
桃箋侍奉勞唧甚相思止渺綿野宿云短荻蕭疏暮蟻船四圍野色
絕蒼然雁聲中夜喧如沸愁絕羈人未忍眠隔港危檣微辨影極天
風色費疑猜扁舟一葉何依傍四野星光月未來紀夢云枇杷花下
月如燂斑竹叢叢別一天一徑幽香深絕處冷冷環珮遇飛仙恒衛
週天億萬星是何世界絕冥冥夢中一夕曾遊徧寶樹琪花澗有情

仙家男女事神奇落落相歡不及私屏絕後天離坎訣渾然元氣自
淋漓電浪想噓被縛羈佛家花雨亦迷離夢華自撫金跳脫愁絕高
寒倚月時擣碎鴛鴦作瓦燒爐香心字不曾消絕憐華月明燈夜角
枕何曾有夢交安排好夢娛魂意南北東西去不招夢緒千絲海天
濶大鵬蝴蝶各逍遙一白靈修去九閭相思絕似蠅蓬根芙蓉城北
三千島到處多應有夢痕題胡蘊山廻瀾閣吟草云兩日行蹤滯江
渚極天風雨峭寒多離愁不浣西江水怕聽琵琶子夜歌一編冰雪
絕清新保種微言最愴神多少薦紳尙沉夢不圖市上見斯人語語
沈著力透紙背定庵而後不數覲也

胡蘊山百衲集中集成語天衣無縫佳句如弔陳文僊詞史云豔骨
已成蘭麝土此蘄原屬桂堂仙題李可亭殿秋集云美人清唱紅

樓十二珠簾不下鈎還似昔年殘夢裏兩逢霜節菊花秋賀李可亭
入贅都門云行看破臘好年光愛明時入帝鄉客路晚依紅樹宿
梅花未動意先香去時劍是丁一斗酒長篇李謫仙且說近來心
裏事少留劇飲待花前碧雲仙曲舞霓裳氣吐幽蘭出洞房皓月滿
簾聽玉漏故燒高燭中紅妝內裏甲筵日日排清香挹露對高齋窗
前人靜偏宜夜潛被蕭郎卸玉釵東西分艷影相連雲淡風輕近午
天猶在濃香夢魂裏驪龍春暖抱珠眠從此扁舟更東去繞池芳草
燕分飛春禽得意千般語笑指中流羨爾歸題王杏塘松菊猶存圖
云虛負凌雲萬里才玉山看日漸徘徊可憐時節堪歸去籬下蕭疏
野菊開花下真人道姓王摘花把酒弄秋芳早知栗里多幽事也共
先生晚節香碧峯依舊松筠老回顧儒衣自不平時過無心求富貴

爲應野鶴識高情贈洪如意校書云百尺朱樓臨狹斜天人顏色玉
無瑕青春遇着歸來燕道是春風及第花眼中何物可忘憂且喜閑
身得縱游今日春光太漂蕩水晶簾下看梳頭酒酣金盞照東西歌
舞留人月易低商略此時須痛飲蛾眉相對醉如泥羅綺叢中第一
人可憐雛鳳好青春鳴鞭曉出章臺路翠輦同陪謁玉墀澹香偏襲
旅人衣折得雙頭蓮子歸頻動橫波嬌不語兩心和影共依依笑倚
東窗白玉牀錦屏繡褥夜生香年來愛作團圓語玉管雙吹引鳳凰
東海上文明拒約吟社云東風無力百花殘羸馬緣知步步難誰最
苦號誰最苦蠻鄉今有漢衣冠拋擲金梭織舊愁關河萬里路悠悠
樓臺深鎖無人到空戴南冠學楚囚一枝何日許相容雷雨湘江起
臥龍夜半潮來風又烈松聲遙答嶺頭鐘不須惆悵怨芳時插棘編

籬謹護持凝絕不通聲漸歇美人爲爾別開池題張霸英馨園消夏
詩冊云詩家才子酒家仙槐柳陰陰五月天景物登臨開始見玉池
荷葉正田田彩花廊下映朱闌海雨隨風夏亦寒高閣清香生靜境
自看碧玉破瓜甘冰簟銀床夢不成滿衣風灑綠荷聲誰人得似張
公子長覺風雷筆下生澹澹西園日又垂剡溪紙貴抄新詞孤臣老
把憂時意別有傷心事豈知題張峽亭哭棠詞云幽墜螢飛獨夜愁
白雲紅葉滿荒邱丹青留得曇花影一滴清醕一淚流只是詞人已
惘然浮生如夢亦如烟風花有句憑誰賞寫恨銀燈五色牋和張峽
亭悼亡原韻云共話此生同逝水何須有夢定爲雲背舒展自如絕
無艱滯